



15650

I Mag. St. Dr.

P

*Camelin Antonii: Dissertatio ex proce-
su iuris de rescriptis.*

D

x.

respon
que
prou
cipum
Respo
ad co
vel
script
quod
Ponti
licet
& sup
partib
tione
sione.
ciunt
nem
cipem

(1.)

2311 Prawo.

Camelin. Antonius.

respond.

1765.

Cran

DISSERTATIO

ex

PROCESSU JURIS

de

15650 I

RESCRIPTIS.

1. **A**ttento Nomine, Rescriptum importat omnes responsiones (1) ad quaecunque petitionem scripto datas: prout verò est Supremorum Principum, definitur, quòd sit (2) Responsum à Supremo Principe ad consultationem, relationem, vel supplicationem alterius in scripto datum. Hinc liquet, quòd tribus de causis Rescripta Pontificia concedi soleant, videlicet, consulendo, referendo, & supplicando; constatq; tribus partibus, (3) utpote, narratione, supplicatione, & conclusionem: quarum priores duæ respiciunt Impetrantem, tertia verò nempe Conclusio respicit Principem rescribentem.

2. Quæ quidem Rescripta

habent (4) vim Legis, seu Constitutionis inter Partes, non solum Legis privatæ, verum etiam Legis universalis & communis lato modo sumptæ: idque non ex primæva sui origine, ast quia postmodum publica Authoritate inter Corpus Juris Communis relata, & veluti Lex (5) Communis solemniter edita fuerant. Cum inter Leges & Rescripta plures interveniant differentia: tum, quia Lex propriè sumpta fertur pro tota (6) Communitate: Rescripta verò dantur in favorem Privatorum. Tum quia ad obligationem Legis requiritur sollemnis ejusdem publicatio, secus est in Rescriptis, quæ tunc publicari dicuntur, quando Judici (7) præsentantur.

A

3.

- (1.) Gregor. Tholosan. lib. 1. de Rescript. n. 4. & alii. (2.) l. Appellandi usus. ff. De Appel. et. Relat. Abb. Hostien. & alii. (3.) Baldus in c. super Litteris. n. 14. h. t. Engel. eod. n. 6. (4.) S. Sed & quod Institi Imper. De Fure nat. gent. & civ. ibi -- Quod principi placet, legis habet vigorem -- & l. 1. ff. De Constit. Princip. (5.) Reiffenst. lib. 1. tit. 3. §. 1. n. 12. (6.) can. Erit autem. dist. 4. & l. 1. ff. De Legib. (7.) Reiffenst. loc. cit. n. 1.



3. Et loquendo de rigore non est (1) idem Rescriptum, Privilegium, Beneficium, & Mandatum. Quia *Rescriptum* est id, quod Princeps scribit ad Juris observantiam, unde verba Rescriptorum interpretationem recipiunt (2) à Jure communi, & dicitur Rescriptum secundum Legem. *Privilegium* est, quod Princeps contra communes Regulas Juris cuiuspiam concedit, & dicitur quasi (3) Lex privata, neque esset privata, nisi aliquid speciale indulgeret, appellaturque Rescriptum contra Legem. *Beneficium* verò accipitur pro gratia à Principe concessa (4) præter Jus, estque Rescriptum præter Legem. Quamvis in lata significatione appellatione *Privilegii* (5) veniat & *Beneficium*; & è contra, appellatione *Beneficii* veniat quandoque *Privilegium*. Per *Mandatum* autem *Apostolicum* (6) intelliguntur Litteræ illæ, quibus Papa mandat alicui provideri de Beneficio Ecclesiastico seu Præbenda. Alio nomine appellatur (7) *Mandatum de providendo*.

(1) Rebuffus in *Praxi Beneficiorum*. §. Differentiæ inter Privilegium &c. (2) c. *Causam*. h. t. & ibi Abb. n. 1. (3) con. *Privilegia*. dist. 3. c. *Abbate*. §. *Contra*. De Verb. Signific. (4) Reiffenst. loc. cit. n. 18. (5) Spevrellus decis. 21. Fori Ecclesiast. n. 21. (6) c. *Mandamus*. c. *Abbatem*. l. 6. & c. *Si Capitulo* De concess. Præbend. in 6to. (7) Rebuff. loc. cit. §. De *Mandat. Apostolic.* n. 2. (8) comm. Dom. (9) *Parsing* h. l. n. 234. (10) gloss. in *Extravag. Sedes*. Joannis XXII. v. *Gratia*. De concess. Præbend. Rebuff. loc. cit. tit. De Rescripto in forma communi. n. 6.

4. Dividuntur autem Rescripta communiter (8) in *Rescripta Justitiæ* seu ad lites, & in *Rescripta Gratiæ*, seu ad Beneficia. Illa sunt, quæ expediuntur per Principem ad delegationem seu decisionem causarum judicialium: hæc dicuntur ea, quæ dantur ad obtinenda Beneficia Ecclesiastica, & alias similes gratias. Ejusmodi Rescripta alio nomine vocantur *Litteræ Beneficiales*, item, *Mandata Apostolica de providendo*, vel, *Gratiæ expectativa*, Solentque expediri in multiplici forma: & sic alia expediuntur in forma pauperum, seu, in forma communi, quando alicui, paupertate ipsius allegata, de Beneficio per Papam providetur. Et secundum (9) quosdam dicuntur *Rescripta Justitiæ*, quia æquum & justum est, ut pauperi Clerico & ad Ordines promoti conferatur Beneficium, gratis tamen. Verius tamen est, ea censerì (10.) *Litteras gratiosas*, haud obstante, quòd procedant de Justitiâ. Alia expediuntur in forma dignum: videlicet quòd sic Pontifex Litteras

ras suas ordiatur -- *Dignum arbitramur* -- quando mandat, ut alicui Beneficium conferatur, si post diligentem examinationem dignus seu idoneus reperiatur. Alia expediuntur in forma-*Rationi congruit* -- quia tale initium habent: qualia solent dari, quando Papa Successor expedit Litteras super collatione Beneficiorum, quas ejus Antecessor voluit, sed morte praeventus non potuit expedire. Alia expediuntur -- *Motu proprio* -- in quibus ejusmodi Clausula apponitur -- *Motu proprio* -- quae Clausula tollit vitium subreptionis, aded, ut valeat provisio de Beneficio cuiuspiam facta per Papam motu proprio, etiamsi non habeatur mentio de prioribus Beneficiis (1) per ipsum antea obtentis.

5. Insuper Rescripta super Beneficiis litigiosis obtenta ratione diversarum Clausularum, quas obtinent, diversis quoque nominibus appellantur: qualia sunt -- *Si alteri* -- *Si neutri* -- *Si nulli* -- & -- *Perinde valere* -- Et quidem ubi inter duos orta lite super Beneficio Ecclesiastico, alter eorum Litteras impetrat, ut sibi Beneficium conferatur, ea conditione, si alteri litiganti Jus

in Beneficio non sit quaesitum, dicuntur Litterae, seu, Rescripta -- *Si alteri* -- Quod si verò duobus litigantibus tertius à Papa impetrat Litteras, ea conditione, ut si neutri litigantium Jus competat, sibi Beneficium conferatur, tunc is dicitur impetrasse Litteras -- *Si neutri* -- Si tandem tres litigant de Beneficio, & alius à Papa Litteras obtineat, ut, si nulli litigantium sit Jus in beneficio quaesitum, istud ipsi conferatur, tunc appellantur Litterae -- *Si nulli* -- Jam verò Litterae -- *Perinde valere* -- dantur, quando Papa gratiam à se concessam, v. g. factam collationem Beneficii, sed aliqua ex causa irritam, v. g. ob taciturnitatem Beneficii antea obtenti, valere (2) decernit.

6. Ceterum Rescripta Justitiae & gratiae differunt inter se. imo, quia in *Rescriptis Justitiae* apponi solet filum canabris, in quo plumbum pendet: in *Rescriptis* verò *Gratiae* apponi solet filum sericum. Quare ad deprehensionem falsi, filum Bullarum est diligenter (3) inspicendum. 2do *Rescripta Justitiae* sunt praesentanda intra annum, postquam Impetrans habuerit copiam Judicis

A 2

(1) *l. Si motu proprio: De Praebend. in 6.* (2) *Barboz. tract. de Clausul. Claus. 100. n. 4. Et sequ.* (3) *c. Quam gravi. de Crimine falsi. Rebuff. loc. cit. tit. Differentia inter Rescripta &c.*

cis Delegati: alioquin valet secundum Rescriptum ab adversario impetratum, etiam non facta mentione (1) de primo. Jam verò in *Rescriptis Gratia* non est certum tempus in Jure præfixum, quo præsentari (2.) debeant. 3tio In *Rescriptis Justitia* attenditur tempus *Præsentata*, seu factæ (3) præsentationis, intelligitur enim in illis tacita (4) conditio -- Si præsentetur -- & ante factam præsentationem Rescriptorum Justitiæ Judex Delegatus nullam habet (5) Jurisdictionem. In *Rescriptis autem Gratia* attenditur tempus (6) *Data*.

7. Cum verò contingat plura Rescripta per diversos impetrari: quare videndum est, quod nam sit generale, & quod speciale:

cum speciale (7) derogat generali, etiam si de illo nulla facta fuerit mentio. Quod intellige etiam de Rescriptis gratiosis & Privilegiis, quavis *Rescriptum Gratia* sicut & *Privilegiū* prius concessū non tollatur (8) per secundum. Dum modo generalitatis illius non prius facta fuerit specificatio: nam facta ejusmodi specificatione seu nominatione Perionarum vel rerum, jam cessat ratio generalitatis, sicque Litteræ speciales postea impetratæ non amplius derogant (9) prioribus. Immo si primum Rescriptū fuerit speciale, alterum generale, & ita valebit (10) speciale: tum ratione prioritatis, tum ratione specialitatis. Si autem utrumque Rescriptum est generale, tunc attenditur, quod

- (1) c. Si autem. §. c. Plerumque. h. t. (2) d. c. Si autem §. ibi DD. (3) Est comm. per text. in c. Ut debitus. De Appellat. (4) arg. c. Super eo. De Appellat. ibi -- Si autem infra certum tempus lis decidenda committitur, ex tunc terminus incipit currere, cum Judices contigerit Litteras recepisse -- (5) Reiffenst. ubi supra. n. 69. (6) text. in c. Eam te. De Rescript. ibi -- Quod nullatenus fecisse deberes, si Datam Litterarum diligentius attendisses. -- arg. c. Eum cui. De Præbend. in 6. ibi -- In impetratione Beneficiorum inspicitur Data non Præsentatio vel receptio -- & arg. c. Si eo tempore. h. t. in 6. ibi -- In Litteris ad Beneficia impetratis inspicitur tempus Datæ. Unde per illas Beneficium Curatum obtinere non poterit, qui licet nunc sit major, illo tempore minor erat. -- (7) text. in c. 1. §. ibi gloss. v. Mandatum e. Pastoralis. §. Quoniam. h. t. §. concordat Reg. 34. Juris in 6. §. l. In toto. ff. De B. F. (8) gloss. magna in c. 1. h. t. Abb. n. 6. §. Fe'in. n. 10. Reiffenst. loc. cit. n. 112. (9) Reiffenst. loc. cit. n. 82. (10) Per jura proxime allegata. juncti. c. Abbatem. h. t. §. gloss. ibid. v. Per Litteras. ibi -- Generale Mandatum secundo impetratum, non derogat Speciali primo impetrato. --

quod est magis (1) *speciale*. Quod si tam in uno quam in altero major ratio specialitatis non deprehendatur, praevalet (2) primum. Si verò tam primum quam secundum *Rescriptum Justitiae* est *speciale*, tunc vel posterum facit mentionem de priori, & valebit secundum: vel in secundo *Rescripto* nulla sit mentio de priori, & valet (3) primum; habeturq; secundum pro subreptitio. Nisi Impetrans primum *Rescriptum* dolò vel negligentia per annum, habità copia Judicis Delegati, eodem uti postposuerit, tunc enim valet secundum (4) *Rescriptum*, licet non faciat mentionem de primo. Ejusmodi verò negligentia arbitrio Judicis, inspecta qualitate Personae, Causae, ac loci distantia (5) relinquitur. Nihilominus tamen minus secundum *Rescriptum* ad lites impetratum nulla facta men-

tione de priori non est ipso Jure nullum, sed ope exceptionis annullandū, ita, ut Processus valeat per Judicem posteriori *Rescripto* datum formatus, si contra illud ab adversario nihil (6) excipiatur.

8. Et dato, quod licet cessantibus Clausulis aliud exprimentibus, Papa non intendat gravare eandem Ecclesiam, seu eundem Collatorem super receptione ac provisione duorum Beneficiorum, adeoque uno Beneficium obtinente (7) repellatur alter: ceterum si duo super Beneficio simili in eadem Ecclesia sibi conferendo *Rescripta* impetraverint, constetque simul, quis primò impetraverit, regulariter statur *Data* & non *Præsentationi*, aded, ut primus Impetrans præferatur, non autem ille, qui prius suas Litteras (8) præsentaverit: nam qui prior est tempore, potior est (9) Jure. Nisi si pri-

- (1) *Rebuff. tract. de Rescript. n. 104.* (2) *Reiffenst. loc. cit. n. 84.* (3) *c. Ceterum. h. t. Et comm. DD.* (4) *text. in c. Si autem. c. Plerumq; Et in gloss. fin. h. t. Et c. Tibi qui. eod. in 6. c. Ubi qui gratiam eod. in 6. ibi -- Dum tamen dolus tibi non possit vel notabilis negligentia imputari. -- Et c. Si Clericus. De Prabendi. in 6. ibi -- Cum facta ei gratia per negligentiam sit extincta. -- (5) *arg. c. Cum sit Romano. De appellat. gloss. in cit. c. Si Clericus. v. Negligentia. text. in l. Continuum. S. Cum ita. De Verb. Obligat.* (6) *Est communis per text. d. c. Si autem. Et c. Plerumque. Et Reiffenst. loc. cit. n. 92. cum DD. quos citat.* (7) *c. Mandatum. c. Abbatem. h. t. junct. c. Duobus. eod. in 6.* (8) *comm. DD.* (9) *Reg. 54. Juris in 6. Et d. c. Mandatum. c. Abbatem. Et c. Cum cui. De Prabendi. in 6.**

si primus Impetrans obtinuerit solummodo *Gratiam expectativam*, seu, *Mandatum de providendo*, & alius postmodum similes Litteras impetravit, easque non solum ante primum Impetrantem presentavit, sed etiam virtute earum eidem Præbenda actualiter collata fuit. Quia in tali casu (1) Præbenda est relinquenda secundo jam Provisio & non primo. Præterquam si datus Executor ordinario Collatori notificasset, se velle per potestatem Papalem sibi factam conferre Præbendam, aut eidem collationem Præbendæ inhibuisset, aut hanc suæ Collationi reservasset, aut si *Decretum irritans* Papæ in Litteris primi Impetrantis appositum fuisset. Item præfertur secundus Impetrans ob dolum & negligentiam (2) primi Impetrantis in presentandis suis Litteris. Item quando secundus Impetrans habet in Litteris suis appositam Clausulam - *Anteferri* -- vi cuius Clausulæ, utpote quæ est revocatoria prioris *Gratie expectativæ* alteri factæ, jubetur omnibus (3) anteferri. Item quando Papa primo mandat provideri de

Præbenda, & secundo de Præbenda & Dignitate, Personatu, aut Officio in eadem Ecclesia: tunc enim si Præbenda vacans est annexa Dignitati, Personatui vel Officio, præfertur (4) secundus; secus, non. Denum, quando secundus Impetrans habet Jus suum à Papa, primus verò ab inferiore: quo in casu ratione amplioris prærogativæ præexistentis in Conferente præfertur (5) secundus primo. Verum si unus impetret Litteras Beneficiales à Papa, alter ab inferiore v.g. Episcopo, nec appareat, quæ Collatio fuerit prius facta, ille præfertur, qui est in possessione (6) Beneficii; quia in paricausa potior est conditio possidentis. At dato casu, quod Pontifex neutri eorum, aut utrique Canonicatum contulerit, tunc is, qui primò presentavit Rescriptum Apostolicum, potior est in Præbenda. Si autem ambo in presentando concurrant, tunc illi, ad quos spectat Canoncorum receptio & Collatio Præbendarum, vel major eorum Pars, ex eis alterum, quem voluerint, eligere tenentur: quo electio, alter penitus care-

- (1) c. Tibi qui. h. t. in 6. *junctis* gloss. v. In casu. & ID. ibid. (2) d. c. Tibi qui. & vide *supra* n. 7. (3) c. Quia saepe. & ibi gloss. v. Apparet. & c. Quodam. De Præbend. in 6. (4) text. in d. c. Quia saepe. (5) text. in c. His qui. De Præbend. in 6. *Reffens.* loc. cit. n. 103. & 107. (6) Reg. 65. Juris in 6.

carebit impetratis, nisi ex tenore Litterarum expresse appareat, quod Pontifex (1) utrique eorum providere voluerit.

9. Hinc est, quod Rescripta omnia tum Justitiæ, tum Gratiæ, sicuti & Privilegia, quando verba sunt clara, intelligenda & interpretanda sunt (2) secundum propriam significationem. Ast in dubio *Rescripta Justitiæ*, si de contraria voluntate Rescribentis non constet, intelligi & interpretari (3) debent secundum Jus Commune: ejusmodi enim Rescripta dantur ad Juris observantiam. Quare in dubio non censetur Papa aut Princeps velle decernere aliquid Juri communi contrarium, cum mens Principis censeatur esse talis, qualis de Jure (4) esse debet. Insuper *Rescripta Justitiæ* strictè (5) sunt interpretanda, nec ad calum vel personam in Rescripto non expressam sunt extendenda: per talia namque Rescripta detrahuntur Jurisdictioni (6) Judicium

Ordinariorum. Itaque si quis impetraverit tale Rescriptum, in quo sunt designatæ Personæ aut Causæ minores vel viliores, addita Clausula generali -- *Et quidam alii* -- sive -- *Cognoscatis super his & quibusdam aliis* -- utique vi istarum Clausularum non possunt conveniri Personæ (7) majores & digniores, neque cognosci causæ majores & graviore. Neque sub hac Clausula -- *Et quidam alii* -- comprehenditur effrænata (8) multitudo. cum per illam solummodo tres aut quatuor personæ (9) in judicium trahi seu conveniri possint. Etsi Rescriptum dictum impetratum fuerit contra homines certæ Diæcesis v.g. *Cracoviensis*, non possunt (10) conveniri homines *Civitatis Cracoviae*: quia in materia strictæ interpretationis appellatione Diæcesis non comprehenditur (11) Civitas. Pari ratione per Rescriptum impetratum contra hominem unius Diæcesis non potest conveniri (12) homo ejusdem nominis

alte-

- (1) c. Duobus. §. 2. & 3. h. t. in 6. (2) l. Licet Imperator. ff. De Legat. 1. §. 1. Ille aut illa. ff. De Legat. 3. c. Ad audientiam. De Decim. & c. Porro. De Privileg. (3) c. Causam. & ibi Abb. n. 1. Felin. n. 9. Eagnan. n. 4. h. t. & alii comm. (4) l. Ex post facto. ff. De vulgar. & pupill. substit. (5) gloss. in c. Non nulli. v. Lites restringenda: h. t. c. Cum olim. c. P. & c. De Offic. & Potest. Jud. Deleg. (6) Ferraris in Bibliotheca Canonica. tit. Rescriptum. n. 19. (7) text. in c. Sedes Apostolica. h. t. (8) d. c. Sedes Apostolica. (9) c. 2. h. t. in 6. (10) c. Rodolphus. h. t. (11) gloss. in c. unic. v. Diæces. De rer. permut. in 6. (12) c. Significante. h. t.

alterius Diæcesis: idque ob defectum voluntatis ex parte Concedentis, siquidem Rescripta, quæ continent delegationem caularum, regulariter concedi non solent nisi ad Judices Delegatos intra Diæcesim Rei existentes, aut saltem non nisi cum Clausula derogatoria dietarum: cum alioquin Reus extra suam Diæcesim trahi non possit (1) ultra duas dietas, im mo de Jure (2) novo nec ultra unam dietam. Eodem ratiocinio de Rescriptis Gratia dicendum venit, quæ cum nemini præjudicent, sunt latè & amplissime (3) interpretanda: nisi sint impetrata ad Beneficia Ecclesiastica obtinenda, quia tunc, utpote cum sint ambitiosa, veniunt strictè interpretanda (4) & restringenda.

10. Sed quid de Privilegiis? Horum (5) interpretatio est du-

plex: per extensionem, seu, extensiva, & per comprehensionem, seu, comprehensiva. Per extensionem est, per quam (6) Legis alicujus decisio extenditur ad alium casum vel personas, tam ultra verba Legis, quam ultra mentem Legislatoris, quamvis non contra mentem ipsius. Per comprehensionem est, quæ fit ultra verba Legis, sed non ultra mentem Legislatoris. Et hæc tunc intervenit, quando decisio Legis extenditur ad alium casum seu personam non comprehensam sub verbis Legis, comprehensam tamen sub mente (7) Legislatoris. Præterea interpretatio Privilegiorum, alla est *Autoritativa*, seu, *Authentica*, vel, *Definitiva*, ac *Judicialis*, quæ fit à Principe (8) Privilegium concedente, seu ejus Successore, & ipsi standum est, tam in, quam ex-

tra

- (1) c. Nonnulli. h. t. (2) c. Statutum. §. Cum vero. eod. in 6. Layman. in d. c. Significante. (3) text. in l. Beneficium. ff. De Constit. Princip. c. quia circa. De Privileg. c. Quamvis. De Præbend. in 6. §. est comm. (4) Est comm. per text. in cit. c. Quamvis. ibi -- Quamvis plenissima ut alias in Beneficiis interpretatio facienda, Litteræ tamen super Beneficiis obtinendis debent, cum sint ambitiose, restringi. -- (5) Fagnam. in c. Quod nonnulli. n. 26. §. 28. De Privileg. (6) arg. c. Cum dilecti. §. Non igitur. De Confirmat. utili vel inutili. (7) l. Scire oportet. §. 2. ff. De Excepat. (8) arg. l. Inter æquitatem. l. Si Imperialis. C. De Legib. ibi -- Si enim in præsentem leges condere soli Imperatori concessum est, & Leges interpretari solo dignum Imperio esse oportet -- & c. Inter alia. De Sent. Excomm. ibi -- Unde Jus prodiit, interpretatio quoque procedat. & c. Cum venissent. De Judic. junct. ejus Summario. ibi -- Solus Papa cognoscit de dubiis Privilegiorum Apostolicæ Sedis & non inferior. --

tra Judicium. Alia est *Doctrinalis*, seu, *Magistralis*, quæ à Magistris seu Doctoribus (1) dari potest & solet. Hinc interpretatio Privilegiorum *Authentica*, seu, *Authentativa*, vel, *Definitiva*, ac *Judicialis* fieri potest à solo Concedente (2) Privilegium, vel ejus Successore: interpretatio verò *Doctrinalis*, seu, *Magisterialis* potest (3) fieri etiam à Doctoribus seu Magistris, aliisve in Jure versatis. Caterum ubi verba sunt clara, nulla admittitur (4) interpretatio. Et Privilegium non est extendendum (5) ab una persona, cui concessum est, ad aliam non expressam, sicque nec ab uno casu ad alium. Si verò Privilegia non sunt contra Jus commune, debent latè (6) interpretari: sicut è contra, Privilegia, quæ sunt contra Jus

commune, & cedunt in præjudicium alterius, sunt strictè (7) interpretanda: nisi in Privilegiis concedatur aliquid favore (8) Cultus Divini, aut favore (9) Causæ publicæ, piæ, religiosæ, quale Privilegium est exemptionis Clericorum à Jurisdictione Principum Sæcularium, concedens facultatem (10) dispensandi & commutandi vota &c. aut nisi Privilegium contra Jus commune concessum, concessum sit motu (11) proprio ipsius Principis.

11. Inspiciendum quoque est, num Rescriptum aliquo laboret vitio, necne? Etenim Rescripta sive *Justitia*, sive *Gratia* aliquando *subreptitia*, aliquando *obreptitia* fiunt. Et quidè quādo taceatur veritas ad rē per se & intrinsecè pertinēs, necessariòq; expri-

B men-

- (1) l. un. C. De Professor. Urbis Constantinopol. (2) arg. cit. l. Inter aequitatem. Et d. c. Cum venissent. cum ejus Summar. (3) d. l. un. C. De Professor. Urb. Constantinop. (4) l. Licet Imperator. ff. De Legat. 3. Et c. Recepimus. De Privileg. ibi -- Inspicienda sunt ergo Privilegia, & ipsorum tenor est diligentius attendendus -- gloss. in c. Cum dilectus. v. Nec Juri communi De Consuetud. ibi -- ubi verba non sunt ambigua, non est locus interpretationi -- (5) Est comm. per text. c. Sane. De Privileg. (6) Est comm. per text. c. Cum olim. De Verb. Signific. c. Quia circa. De Privileg. Et d. l. Beneficium. (7) Comm. DD. per c. Super eo. De Offic. Deleg. ibi -- Non tamen est nostræ intentionis Diacessano Episcopo præjudicium generare -- Et c. Quæ d' Jure. De Reg. Jur. in 6. ibi -- Quæ à Jure communi exorbitant nequaquam ad consequentiam sunt trahenda. (8) Fagnan. in c. Olim. n. 25. De Verb. Signific. (9) l. Sunt persona. ff. De Religios. Et sumptib. funer. (10) Lessius de Just. Et Jur. cap. 42. n. 60. (11) c. Si motu proprio. c. Si plures. De Præbend. in 6. Reiffenst. ubi supra. n. 435.

menda, aut quando per confusā seu callidam ejus narrationem occultatur, dicuntur *Rescripta subreptitia*. Quando verò narratur & exprimitur falsitas, dicuntur *Rescripta* (1) *Obreptitia*. In hoc enim *Ob*, & *Subreptio* (2) consistit: quòd illa narret, exprimatve falsitatem, ista taceat veritatem. Quod vitium *Ob* vel *Subreptionis* si per fraudem, dolum, & malitiam committatur, vitiat Rescriptum in totum: Si autem *Ob* vel *Subreptio* contingat ex ignorantia aut simplicitate, non vitiat (3) substantiam Rescripti. Quod procedit etiam de illis qualitatibus & circumstantiis, quæ de Jure Communi, Consuetudine, aut Stylo Curie Romanæ specialiter sunt exprimendæ, quæ si non exprimantur, ignorantia & simplicitas (4) non excusat. Alium siquidem expressio pertinet ad formam Rescripti, quæ ad unguem observanda est, ac sine qua non subsistit (5) actus, Processusque

contra formam Rescripti attentatus, irritus, hoc est, ipso Jure nullus (6) decernitur, ejusmodique Rescripta contra communem styllum & praxim Curie Romanæ, præsumuntur (7) falsa & rejici debent. Quemadmodum & Rescriptum *Gratia* obtentum contra consuetudinem (8) sive statutum particulare cujuspiam Ecclesiæ, non valet, nisi fiat mentio ejusdem saltem per Clausulam generalem -- *Non obstantibus Statutis & consuetudinibus contrariis*. --

12. Contingere autem potest (9) *Subreptio*, vel circa causam motivam Rescripti, qua non existente Princeps Rescriptum non concessisset, vel saltem non tam absolute, sed restrictè, sive sub certis Clausulis. Vel circa causam impulsivam, qua non existente Princeps Rescriptum concessisset, sed non tam facitè. Igitur si *Ob* vel *Subreptio* contingit circa causam impulsivam, non vitiatur (10) Rescriptum: secus est, si con-

(1) c. *Super Litteris*. h. t. & est comm. (2) comm. DD. (3) est comm. per text. in cit. c. *Super Litteris*. (4) Fagnan. in d. c. *Super Litteris* n. 58. Engel n. 12. (5) Reiffenst. ubi supra. n. 167. (6) c. *Cum dilecta*. ubi glossa v. *Irritum*. h. t. & c. *Cui de non Sacerdotali*. De *Præbend.* in 6. (7) can. *Rescripta*. 25. q. 2. l. *Rescripta*. C. De *precib. Imperat. offerend.* & l. ult. C. *Si contra jus*. (8) c. *Constitutus* & ibi Abb. n. 6. h. t. & c. *Cum aliquibus*. eod. in 6. (9) Reiffenst. loc. cit. n. 183. (10) glossa in c. *Ex parte*. v. *Falsa*. De *convers. Conjug. c. Duchum*. & Nos igitur. De *Præbend.* in 6. Reiffenst. loc. cit. n. 184. & DD. quos citat.

si contingat circa causam motivam seu finalem. Unde ne Rescripta reddantur *Subreptitia*, oportet in illis, & quidem in Rescriptis *Jurisdictionis* mentionem facere (1) primi Rescripti, Personæ privilegiate, litis pendentis, tum coram quo iudice lis pendeat. In Rescriptis *Gratia* oportet mentionem (2) facere alterius Beneficii, si quod Impetrans jam habet, sive illud sit sufficiens ad honestam Clerici sustentationem sive non. Sive sit (3) Dignitas, Personatus, aut alia qualitas. Si jam alicubi (4) receptus est in Canonicum, licet fructus nondum percipiat. Generaliter enim in impetratione Rescripti Beneficialis oportet (5) fieri mentionem non solum de *Jure* quod quis habet in Beneficio jam obtento & possessio, quale vocatur *Jus in re*, sed etiam de *Jure ad rem*: narrandaque sunt, non solum ea, quæ sunt (6) *Juris*, sed etiam ea, quæ sunt facti. Quo-

B 2

circa, ad deprehendendam *Subreptionem* apponi solent Clausulæ quædam in Rescriptis, videlicet -- *Si ita est* -- *Si preces veritate nitantur* -- *Salvo Jure alterius* -- & aliæ, quæ saltem subintelligi (7) debent.

13. Non minus vitiat Rescriptum error (8) manifestus Latinitatis, si sit gravis: nam si fuerit levis, non vitiat (9) Rescriptum, v.g. defectus unius litteræ vel Syllabæ. Similiter neque per errorem in nomine & cognomine commissum vitatur (10) Rescriptum, utpote, si constat de persona, pro qua sunt concessa: non enim propter nomen, sed personam Supplicantis, qualitatesque illi intrinsecas conceditur (11) Rescriptum. Pariter ob rasuram vel cancellationem Litterarum in loco suspecto (12) Rescriptum tanquam falsum atque invalidum rejici potest & nihil probat. Locus autem suspectus dicitur esse, quando in

ver-

(1) Reiffenst. loc. cit. n. 197. Et sequi. (2) c. Cum teneamur. De Prebend. c. Cum adeo. c. Si proponente. c. Postulasti. h. t. (3) c. Ad aures. h. t. (4) c. In nostra. h. t. (5) arg. cit. c. In nostra. Et Abb. ibid. n. 2. (6) gloss. in c. In nostris. v. Non vacaret. De concess. Prebend. Et in c. Super. Litteris v. Littera. h. t. (7) text. in c. 2. h. t. d. c. Papialis. Reiffenst. loc. cit. n. 141. (8) Est comm. per text. Ad audientiam. h. t. (9) c. Ex parte. De fide Instrum. (10) Felinus in c. Significante. n. 1. h. t. (11) c. Intelligentia. De Verb. Signific. (12) c. Licet. Et illi gloss. v. Tenem. De Crimine falsi. Et c. Venerabilis. De Religios. domib.

verbis dispositivis (1) facta est litura: alias in ea parte Rescripti, unde potissima ipsius vis, ac mota desuper quaestio dependet. Ceteroquin si rasura reperiatur in loco non substantiali, Rescriptum Apostolicum non red dicitur (2) vitiosum. Aut si sit modica, idest paucarum litterarum non mutantium (3) ordinarium sensum. Aut quando ex precedentibus verbis, aut aliis huiusmodi Rescriptis satis apparet, rasuram (4) suspectam non esse. Relinquitur tamen Iudicis (5) arbitrio, quanam sit rasura modica, & quando sensus recte percipi queat. Aut si Notarius in fine Scripturae, & ante subscriptionem instrumenti, atque appositionem Sigilli attestetur, qualiter ipse abrasit tale verbum, in tali linea &c. nam tunc rasura illa (6) nihil officit, cum in tali casu & diem & testes habet: secus est, si talis attestatio per Notarium facta esset in margine, aut

post subscriptionem, quia tunc die & testibus ceteret. Aut quando Rescriptum exhibitum fuit coram Ordinario clausum & signatum: nam & tunc rasura, si quae apparet, potius in Cancellaria (7) praesumitur facta, quam ab impetrante. Aut si Instrumentum reperiatur (8) penes meum adversarium: utique in mei praedictum non vitatur. Aut denique quando Rescriptum habens rasuram corroboratur (9) per vivam vocem Testium. Verum speciale est illud de Litteris Apostolicis: quod si constet, abrasionem quantumvis modicam in eis factam esse ab Impetrante vel utente, ipsae redduntur nullae, sicque radens efficitur (10) falsarius & excommunicatus.

14. Et descendendo ad finem Dissertationis praesentis, Rescripta Jussum expirant (11) morte Concedentis, intellige re adhuc integra. Aut etiam cessatione Officii ipsius Delegantis (12) per

- (1) *Abb. in c. Ex litteris. De fid. Instrum.* (2) *gloss. fin. in d. c. Venerabilis. Reiffenst. ubi supra. d. n. 225.* (3) *Mascard. de probat. Cont. 1261. n. 10.* (4) *d. gloss. fin. in d. c. Venerabilis.* (5) *Menochius de Arbitr. Judic. cas. 187. n. 41. Mascard. loc. cit. n. 20.* (6) *Mascardus loc. cit. n. 17. Et alii.* (7) *Engel. h. t. n. 15.* (8) *arg. l. Majorem. junct. gloss. Et DD. ibid. C. De l. Cornel. de fals. Mascardus n. 22. Et alii.* (9) *arg. Authen. De Instrumentor. Cautela. Collat. 6.* (10) *gloss. in cit. c. Licet. v. Tenuem. De Crimin. fals. Fagnon. in c. Ex conscientia. eod.* (11) *l. Et quia. ff. De Jurisdic. omn. Judic. c. Relatum. c. Gratum. Et c. Licet. De Offic. Deleg.* (12) *Anchoran. in c. Gratum. in fin. Et alii quos refert Reiffenst. loc. cit. n. 235.*

per renuntiationem, depositionem, vel translationem ad aliam dignitatem: non item (1) per excommunicationem, vel suspensionem per Delegantem contractam, quia per hanc non extinguitur Jurisdictio Delegantis, quamvis impediatur exercitium suæ Jurisdictionis. Ut autem res non sit amplius integra, sicque perpetuetur valor Rescripti Jurisdictiæ & Jurisdictio delegata, sufficit Citatio Partis per Delegatum (ante) obitum Concedentis seu Delegantis (2) facta. Rescripta autem Gratia, cum alia sint, quæ continent Gratiam factam, alia, quæ continent Gratiam faciendam: quare Rescripta, quæ continent Gratiam jam factam, non expirant (3) morte Concedentis, etiam re integra. E contra verò Rescripta continentia Gratiam faciendam, expirant morte (4) Concedentis re integra, seu quando in ejusmodi Gratia executione nondum est processum: cum per talē Gratiam faciendam nulli adhuc jus quæsitum fuit sicuti jus quæsitum fuit per Gratiam factam,

illi, cui talis Gratia facta est. Rursus quando Rescriptum Gratia concessum fuit tendens in favorem alterius cum determinatione personæ, v.g. ad dispensandum cum Titio, ad providendum Cajo de Beneficio, videndum est, num Executor ejusmodi Rescripti sit necessarius vel voluntarius. Etenim si Executor est necessarius, iussus exequi Gratiam cognita precum veritate, utpote, si ei in Rescripto dicatur -- *dispenses cum Titio -- provideas Cajo de Beneficio, si hac ita cognoveris* -- tunc ejusmodi Gratia censetur jam facta in favorem petentis, sicque non perit (5) morte Concedentis. Sed si Executor est voluntarius, v.g. si ei in Rescripto dicatur -- *dispenses cum Titio, conferas Cajo Beneficium, si volueris, si expedire judicaveris* -- tunc talis Gratia nondum est facta à Principe, sed primum facienda à Delegato Commissario, si voluerit, aut expedire judicaverit, ideo morte Concedentis (6) expirat, re integra: quia in hoc casu nullum adhuc Parti jus quæsitum fuit. Cæterum

(1) Reiffenst. loc. cit. n. 236. & alii quos citat. (2) d. c. Gratum. & DD. quos citat. Ferraris in Bibliotheca Canonica tit. Rescriptum n. 41. (3) c. Si super gratia. De Offic. Deleg. in 6. (4) c. Si cui nulla. §. fin. de Præbend. in 6. (5) gloss. in c. Veniens. v. Renuntiassè. De renuntiatis. Rebuffus tit. de Mandatis Apostol. §. 1. v. Sui Pontificatus. (6) d. c. Si cui nulla. Sanchez lib. 8. de Matrimon. disp. 28. n. 94.

rum quando Rescriptum Gratia
continet Clausulam -- usque ad
Beneplicium Sedis Apostolica - vel -
donec revocavero -- aut ejusmodi,


tale Rescriptum durat (1) per-
petuò , nisi à Concedente vel
Successore ejus revocetur.

(1.) o. Si graciosè. h. t. in 6. Bartosa Claus. 43. n. 21.

Et hæc de Rescriptis breviter scripta cedant
ad Laudem perennem Omnipotentis DEI,
omnis Justitiæ (a) Fontis & Originis.


(a) Reiffest. lib. 1. Decre.: in fin.

Defendentur publicè in Collegio Majori CC.
DD. Jure-Consultorum sub assistentia Perillusttris & Ad-
modum Reverendi M. *ANDRÆE LIPIEWICZ*, Vtrius-
que Juris Doctoris & Professoris Luborzycciani , ad ob-
jecta respondente Excellenti M. *Antonio Camelin* Phi-
losophiæ Dre & Præfere, Jurisprudentiæ Auditore. Annò
MDCCLXV. Die 26. Septembris



Permissu Magnifici Domini

R E C T O R I S.



f. IV. 33.

Biblioteka Jagiellońska



stdr0026283

Carmelina edwardsii

~~*Carmelina edwardsii* *proveniens de* *proveniens*~~